

葵根湯 治小便淋澀

葵根洗淨搗碎水煎服

又方 治沙淋

車前草搗汁半碗入蜜一兩懸井中五更取起

溫服若是沙淋石淋則以煨寒水石為末調服

如治白淋用砂糖

治淋閉莖中作痛神効方

石葦 滑石 瞿麥 扁蓄 木通 冬葵子

王不留行 地膚草各等分 為末每服三錢白湯調下

一方 治淋及尿血之効

旱蓮草 車前草 同取汁每服半碗

一方 治淋痛及尿血

側柏葉 藕節 車前子等分

取汁調益元散三錢神効

治石淋方

杜牛膝 搗碎水五碗煎至一碗去渣入射香

少許調服効

一方 治沙淋

石首魚腦骨

五對火煨

滑石

錢五

為末分二服煎水

通湯調下連服數劑看沙盡止藥

海金沙散 治膏淋

海金沙

滑石末

各一兩

甘草

半二錢

為末每二錢麥冬湯調服灯心湯亦可

一方加木通瞿麥穗通草杏仁

鹿角霜丸 治同上

鹿角霜

白茯苓

秋石

各等分

為末麵糊丸梧子大每五十九米湯送下

大海金沙散 治小便淋瀝及下焦濕熱氣不施

化或五種淋疾癢閉不通

海金沙

研木通

瞿麥穗

滑石

通草

各半兩

杏仁 去皮尖

每五錢入灯心二十根水煎服

牛膝膏 治死血作淋

牛膝

四兩

酒洗

一宿桃仁

皮尖

炒當歸尾

二兩

酒洗

赤芍

藥 一兩

生地

一兩

川芎

錢五

用水以炭火慢熬至二鍾入射少許分作四

服空心服如夏月用凉水換此膏不壞



滋陰降火湯 治火燥血少氣不得降而淋

當歸 黃柏 鹽水炒各一錢半 知母 牛膝 生地 各一

錢白芍 一錢二分 甘草稍 木通 各八分 水煎食前服

靈苑透膈散 治五種淋疾氣淋熱淋勞淋石淋

及小便不通至甚者 硝石 一兩雪白者為末 每服二

錢各依湯使服 如勞倦虛損小便不出小

腹急痛葵子煎湯下通後更須服補虛丸藥

如血淋小便不出時下血疼痛並用冷水

調下 如氣淋小腹滿急尿後常有餘瀝木

通煎湯下 如石淋莖內痛尿不能出內引

小腹膨脹急痛尿下砂石令人悶絕將藥末

先入銚子內隔紙炒至紙焦為度再研令細

溫水調下 如小便不通小麦湯下 卒患

諸淋並以冷水調下 以上並空心先調藥

消散如水即服之更以湯使送下凡服藥未

効者服此立愈

靈苑方 治卒患諸淋遺溺不止小便赤澁疼痛

三葉酸漿草取嫩者搗汁一合酒一合攪勻空



心服之立通 酸漿草即布谷飯

一方 治血石淋

楊樹蛀屑烏梅一大束三水煎服

羅太無石燕丸 治石淋多因憂鬱氣注下焦將

所食醜物結成砂石小便澀痛不可忍必俟砂

石出而後小便通 石燕燒赤水中淬三次研水飛過 滑石

石葦去毛 瞿麥穗各一兩 為末糊丸梧子大煎灯心

瞿麥湯吞下十九一日三服

葛粉丸 治男女淋病疼痛効速勿輕忽之

沙糖本草云治心肺大腸熱 葛粉 和丸梧子大井花水

化開一二丸

斗門方 治五淋

苧麻根兩莖打碎水煎頓服大妙丹溪云苧根補陰行滯血

治石淋方 鱗蛄一枚 鹽二兩 用於新瓦上鋪蓋

焙乾研末温酒調下一錢七服下即愈

白薇散 治熱淋血淋

白薇 芍藥等分 為末每服二錢温酒調下立

効或加檳榔



一方 治血淋諸熱淋

山茵陳 淡竹葉 木通 山梔 滑石 甘

草 猪苓 瞿麥 每服五七錢加灯心煎服

大便秘加大黃

二神散 治諸淋急痛

海金沙 七錢半 滑石 五錢 為末每服二錢木通麥

冬車前草煎湯入蜜少許調下

治淋閉便濁神方

五瓜龍藤連根 一兩 土茯苓 杜牛膝根 各八錢

共用酒三碗煎至一碗空心服三服全愈

又治下疳如神五帖後疳愈再不發他瘡毒

腎瀝湯 治胞痺小便不利小腹急

麥冬 木通 桔梗 桑白皮 杜仲 炒 犀角

屑 五加皮 各一錢 赤芍 五分 水二鍾加羊腎一

枚切碎煎至八分入竹瀝少許食前服

濟生木通散 小便不通小腹痛不可忍

木通 活石 各一兩 黑丑 頭末五錢

每服五錢灯心十莖葱白一莖水煎服

治氣開鬱之劑

芍藥檳榔散 治五淋

赤芍藥 兩一 檳榔 一枚 包煨 麵

為末每服一錢匕空心白湯調下

丹溪 生氣藥

砂仁 錢三 海金沙 紅曲 檀香 錢各二 白豆仁

木香 丁香 錢各一 分五帖 研桃仁十四枚 入生 氣藥

治諸般沙石淋

琥珀 錢二 研細末空心用葱白頭煎濃湯調下

無問諸般淋疾一二服神效 本草云琥珀 消汚血極驗

通秘散 治血淋痛不可忍

陳皮 香附 赤茯苓 分等 水煎服

沉香散 治氣淋疼此多因五內鬱結氣不舒行

陰滯於陽而致壅滯小腹脹滿便溺不通

沉香 石葦 滑石 當歸 王不留行 錢各五

葵子 芍藥 錢各七 甘草 陳皮 木香 青皮

錢各二 為末每服三錢煎大麥湯下

治卒淋急痛方



益元散錢三

茴香一錢微

木香

檳榔各二分

右為末水調服

琥珀散 治五淋砂石淋

滑石 琥珀各一兩 木通 當歸 木香 鬱金

扁蓄各五錢 為末每五錢以蘆葦葉煎湯調服

如無蘆葦葉以竹葉煎湯送下

一方 治同上

石燕子七枚搗如黍米大 新桑白皮三兩剉同拌勻

二味分作七帖用水煎一日三服

治肝經氣滯蘊熱小便淋痛方

甘草稍子錢五 青皮 黃栢 澤瀉各一錢

水煎服効

補氣血之劑

丹溪治朱郎小便淋痛脉大右瀆此為勞傷經血

勿作淋治可補血行肝經滯血自愈

生地 當歸 赤芍各一錢 川芎 條芩 甘草

梢各三分 陳皮 木通各五分 黃栢炒二分 紅花一分

杜牛膝錢一 右以桃仁泥研滑石同煎待淋病退

減桃仁滑石杜牛膝木通入川牛膝代木通  
分兩倍之

氣虛者八物湯加杜牛膝黃芩煎服

老人氣虛亦能淋參朮中加木通山梔

治勞苦傷血脉沉而大下焦蘊結而淋

人參 歸尾 白芍 香附錢各五 條芩錢三 木通

三錢 山梔仁炒三錢半 黃芩 甘草梢生各五分

分四帖煎杜牛膝湯煎服

茯苓琥珀湯 小便澀莖中痛不可忍相引脇下

痛 川練子去核炒 甘草生各一錢 人參五分 茯苓四分

琥珀 當歸梢 澤瀉 柴胡各三分 玄胡索七分

水煎服數服効

六味地黄丸 治久淋陰虛者

清心蓮子飲 治上盛下虛心火炎上口舌咽乾

煩渴微熱小便赤澀或欲成淋並治之

黃芪蜜炙 石蓮肉 赤茯苓 人參各七錢半 甘草

炙 車前子 地骨皮 麥門冬 黃芩各五分

每服七八錢水煎溫服 發熱加薄荷柴胡



治氣虛脾虛消渴淋濁

人參 滑石錢各一 白木半一錢 赤茯苓 澤瀉各七

分 麥門冬 甘草各五分 竹葉三十片

加灯心二十根水煎服

治寒之劑

千金茯苓丸 治胞痺小便內痛

赤茯苓 防風 細辛 白木 澤瀉各五錢 紫

苑 天花粉 牛膝 黃芪 芍藥 甘草各炙

三錢 山藥 山茱萸肉 獨活 半夏各一錢 附子

炮 官桂各二錢 煉蜜丸梧子大每服五六十九

空心温酒下

腎著湯 治胞痺小便不通

赤茯苓 白木各四兩 甘草炙三兩 乾姜炮一兩

每服五七錢水煎一日三服

巴戟丸 治胞痺臍腹痛小便不利

巴戟去心一兩半 桑螵蛸炒 遠志去心 生地黃 山藥

附子炮 肉蓯蓉酒浸 續斷各一兩 杜仲炒 鹿茸炙

石斛 兔絲子 五味子 山茱萸 官桂

龍骨

各三錢

煉蜜丸梧子大空心温酒下三十九

三因生附散

治淋而脉沉微小便秘澁數起不

通竅中痛

瞿麥

木通

半夏

各一兩半

滑石

五錢

附子

五錢

每二錢生姜三片灯心二十莖蜜半

匙水煎食前服

淋閉餘論

生生子曰淋閉一證五機微義闡述詳盡極當檢閱如劉河間之熱羅知悌之寒張潔古分在氣在血之異嚴用和之五淋陳無擇之三因朱彥

修之痰積苑血劉宗厚之腎虛火熾述素問靈樞脉經之要旨門分類析甚便後學惟嬾人治法尚畧碩今時婦人患此頗多鮮獲竒効緣由未得其真括也考之經曰肝主小便淋洩嬾人經未絕年皆厥陰肝經用事肝主謀慮者也婦人之性多於偏鄙鬱而不決氣道因澁鬱久成火凝滯濁液漸結成粒名曰砂石淋是也今之治淋者動手輒用五苓八正之類皆淡滲利竅之劑于病未嘗遠也而底績不樹何耶殊不知



淡滲皆在天之陽也但能利肺氣是氣降而水利矣非治有形之陰病也腎乃肺之子也淡滲過劑腎氣奪矣陰血日虧鬱火日熾經曰無陽則陰無以化無陰則陽無以生淡滲皆泄氣而損血者血損則竅愈溢則病劇治當開鬱火養陰血兼之以導氣之藥經曰壯者氣行則愈陰血旺氣道滑病自瘳矣正如河涸舟粘縱用力多未若決水之為易也學者其可忽諸  
丹溪牛膝膏加鬱金以開鬱山梔以降火生地以

補陰琥珀以導氣利竅則愈矣

遺溺門

生生子曰按遺溺遺失也睡夢中遺失醒而後覺童稚多有此大人少有也夫童稚陽氣尚微不甚約束好動而魂遊故夜多遺失也古方多用煖藥乃溫養陽氣之意經謂虛則遺溺又曰不約為遺溺從可知矣曾見數人二三十歲仍遺失不止後皆無子得非下元虛寒所致歟

東垣曰小便遺失者肺金虛也宜安卧養氣禁勞



後以黃芪人參之類補之不愈當責有熱加黃  
栢生地又曰立夏前悞用白虎湯過多致遺溺  
者宜溫藥升陽以解之

甲乙經云肺脉不足以息卒遺失無度

原病式云遺尿不禁者是熱甚客于腎部干於足  
厥陰之經廷孔鬱結極甚而氣不能宣通則痿  
痺而神無所用故液滲入膀胱而旋溺遺失不  
能收禁也

丹溪嘗治一男子遺溺不覺脉洪大盛以黃栢知

母杜牛膝為君青皮甘草為臣木香為佐桂些

小為反佐服數帖大効此法與千金翼白薇散

皆治熱甚廷孔鬱結神無所用不能收禁之也

生生子曰按劉河間丹溪千金翼方有認為熱者

必以脉症相叅看治庶無偏熱偏寒之弊予前

論寒者以大槩而言也諸病皆有寒熱虛實多

有始同終異故治法不能執一而無權也

桑螵蛸散 治遺溺

桑螵蛸酒炒為末姜湯調下二錢



鷄內金散 治溺床失禁

鷄胫脛一具即鷄肫內黃皮并腸洗淨燒存性  
男用雌女用雄研為末每二錢酒服妙

大人遺溺不知蓄薇根細研酒下

雞腸草湯 治小便不禁或睡中遺出不覺

雞腸草兩一 牡蠣粉錢三 龍骨 麥冬 白茯苓

桑螵蛸錢各五 每服三錢束一枚去核煎服

一方 治同上

補骨脂炒為末黃柏煎湯調下

又方 治同上

桂皮末 雄雞肝 等分搗丸如小豆大溫水

治小兒夢中遺尿

薏苡仁一合去心不去殼敲碎入鹽一小撮同

炒黃色水煎空心服之効

縮泉丸 治小兒遺尿脬氣不足小便頻多

烏藥 益智仁去壳搗水炮 等分為末酒煮山藥

糊為丸空心鹽湯下二錢

又方 治同上

烏藥

益智仁

各五錢

桑螵蛸

一兩

為末空心鹽湯調下二錢効

治遺尿方

白茯苓

牡蠣

桑螵蛸

各五錢

龍骨

桂

各三錢

為末以雞腸一具燒存性為末和勻空心

白湯調下一錢

禁方

治遺溺

阿膠

炒

牡蠣

煨

鹿茸

桑螵蛸

酒

各等分

為末粳米為丸梧子大每五十九空心酒下

治遺溺淋瀝

桑螵蛸

焦

龍骨

等分

為末每二錢空心鹽

湯下

千金翼白薇散

治尿出不知時

白薇

白芍藥

等分

為末温酒下方寸七日三服

濟世方神導水丸

治遺尿有實熱者每百丸

空心白湯下若一服得大便利止後服

此謂淫氣遺溺痺聚在腎痺謂氣不宣通也

雞腸散

腎與膀胱虛冷不能約制故遺尿失禁

或睡自出

肉桂

龍骨

各一錢半

白茯苓

桑螵



蛸

牡蠣粉

各三錢

雞腸

一具

分二帖水煎姜三片束二枚空心溫服

小便不禁

生生子曰不禁謂無禁約小便多而頻不計遍數按經云水泉不止者是膀胱不藏也有溫熱有下元虛憊數而少為熱數而多為虛老人多有此蓋陽氣衰微不能約束歷見數人卒皆不救由其不能攝養而神氣耗散故也古人有謂不通為熱不禁為寒乃心腎氣弱陽道衰冷而傳

化失度法當溫補溫存以養其神藥后以堅其腎神完腎固膀胱氣充自可約束然必調治及早庶或十全三五

王節齋曰小便不禁或頻數古方多以為寒而用溫澁之藥殊不知屬熱者多蓋膀胱火邪妄動水不得寧故不能禁而頻數來也故年老人多類此是膀胱血少陽火偏旺也治法當補膀胱陰血瀉火邪為主而佐以收澁之劑如牡蠣山茱萸五味子之類不可用溫藥也病本屬熱故



宜瀉火因水不足故火動而致小便多小便既多水益虛矣故宜補血瀉火治其本也收之澁之治其標也

按此乃本之於原病式熱鬱廷孔之說也

生生子曰按節齋此論亦是以大槩言也老人下元虛憊氣弱不能乘載其水膀胱停濕浸淫皮薄不能收持故頻數不禁必如河間節齋所云然則癰閉已主於熱矣而不禁又主於熱是無虛寒之症也何古方有溫補之法經有寒虛之

文耶不若以小便頻而清白長者為虛寒頻而少黃赤澁者為熱及脈洪數有力無力或滑或瀦參驗之始無差悞凡熱天小便少寒月小便多寒熱之理亦易見爾

大便秘結而小便頻多屬脾約症以脾約丸治之  
茯苓丸 心腎俱虛神志不守小便淋瀝不禁

赤茯苓 白茯苓 等分為末新汲水按洗澄去新沫控乾別取熟地黃汁與好酒同於銀石器內熬成膏為丸彈子大空心鹽酒嚼下



二氣丹

治內虛裏寒膀胱積冷陽氣漸微小便

不禁

硫黃

肉桂

各二錢半

乾姜

炮

硃砂

為衣各二錢

附子

一枚大者炮去皮臍為末五錢

右糊丸梧子大每五十九鹽湯下

姜附赤后脂丸

小便數而不禁怔忡多意夢魘

不已

附子

生

乾姜

各五錢

赤后脂

一兩半飛

硃砂

者一兩

酒糊丸菘豆大每十五九至三十九

大便有病米飲下 小便不禁茯苓湯下

王海藏云此方妙在硃砂伏火上

論載玉機微義甚詳

御藥院秘元丹

治內虛裏寒自汗時出小便不

禁 白龍骨

三兩

訶子

十枚

砂仁

靈砂

各一兩

右稗米糊為丸梧子大每五十九空心鹽

湯下

兔系子丸

治小便多或致失禁

兔系子

肉蓯蓉

酒浸各二兩

牡蠣

煨

附子

炮

五味

子 鹿茸

酒炙各一兩

雞胫脰

乾

桑螵蛸

酒炙各五錢

右酒糊丸梧子大每七十九空心鹽湯温

酒下

三因家韭子丸

下元虛冷小便不禁或成白濁

家韭子

炒六兩

鹿茸

酥炙四兩

肉蓯蓉

酒浸

牛膝

熟地

黃 當歸 各二兩 巴戟 去心 兔系子 酒浸各一兩半 杜仲

石斛 桂心 官姜 炮各一兩

酒糊丸 梧子大每百丸 空心鹽湯酒任下

桑螵蛸散 治小便頻數 或如米泔稠濁

桑螵蛸 益水 遠志 石菖蒲 益 龍骨 人參

茯神 當歸 鱉甲 醋炙各等分 為末 每二錢 臨卧

人參湯調服 一方用龜甲

五子丸 治小便頻數 時有白濁

兔系子 酒蒸 家韭子 炒 益智 茴香 炒 蛇床子

去皮炒 各等分 酒糊為丸 梧子大每七十九丸 米飲 任下

丹溪鹿茸丸 治久虛冷小便白濁 滑數不禁

鹿茸 川椒 去子取頭末 桂心 附子 牡蠣 石

斛 沉香 補骨脂 肉蓯蓉 雞胫脰 各一兩

桑螵蛸 分三 右酒糊為丸 梧子大 食前酒下 三 九十

又方 治汚血淋瀝

鹿角屑炒黃為末 溫酒下 二錢妙 本草云鹿角逐陰中邪氣

惡血

水芝丸 治下焦真氣虛弱 小便頻多 日夜無度



蓮子

皮去

先以好酒浸一二宿用猪肚一具入

蓮子在內水煮熟取出蓮子切片晒乾為末

醋糊丸如雞頭子大每五十九丸温酒送下

一方 治稟賦虛弱小便頻數不禁

五味子

兩四

肉蓯蓉

斤半

肉地

兩六

兔系子

酒煮炒乾二兩

右酒煮山藥糊為丸梧子大每五七十九空

心鹽湯或酒送下

萹薺丸 治小便頻數

川萹薺 不拘多少為末酒糊丸如梧子大每

五十九空 心鹽湯送下

一方 治夜多小便老人虛人多有此症

白芷

兩一

粳米

五錢炒褐色

右粳米糊丸梧子大

饅頭煎湯空心下七十九

玄兔丹 治小便多

兔系子

酒浸焙末十兩

五味子

酒浸研末七兩

白茯苓

兩三

蓮肉

兩三為末乾山藥末六兩將所浸酒餘者添酒煮

糊為丸搗千杵丸梧子大每五七十九空心

米飲下

小兔系丸 治腎氣虛損目眩耳鳴四肢倦怠夜

夢遺精 石蓮子肉二兩兔系子酒浸研白茯苓

一兩山藥二兩打糊丸梧子大每五七十

五錢丸空心温酒或盐湯送下

一方 生山藥半斤刮去片先用酒熬沸入山藥

不得攪動待熟加盐葱白更添酒空腹下二

三盞妙

益智散 治小便多

益智三十為末水一盞煎八分入盐五分温服

本事方衛真湯 治丈夫婦人元氣衰憊榮衛怯

弱真陰不固三焦不和上盛下虛夜夢鬼交覺

来盜汗面色精彩唇口舌燥耳内蟬鳴腰痛背

倦心氣虛乏精神不寧驚悸健忘飲食無味日

漸瘦瘁外腎温痒夜多小便腫重冷痛牽引小

腹足膝緩弱行步艱難婦人血海久冷經候不

調或過期不至或一月兩来赤白帶下漏分五

色子宮感寒久不成孕並皆治之 此藥大能

生氣血遇夜半子時腎水旺極之時補腎實



臟男子攝血化精諸病未萌之前皆能制治  
使不復為梗

川歸酒浸一夜丁香 青皮去白各一兩 熟地黄 白朮

苓 木香 肉蓯 山藥各三兩 生地 川牛膝

各二兩童便煮 人參一兩 石斛五兩

為末每三大盞酒調下鹽湯亦得空心食前

服婦人諸病童便同酒調空心服

辰砂妙香散 方在婦人門

溺赤

諸病水液渾濁皆屬於熱小便黃者少腹中有熱也 治小便黃無如黃栢知母効

脉經云足脛逆冷小便赤宜服附子四逆湯

綱目載小便黃有四

一屬肝熱經云肝熱病者小便先黃是也

二屬胃實經云胃足陽明之脉氣盛則身已前皆

熱其有餘于胃則消谷善飢溺色黃者是也

三屬肺虛經云肺手太陰之脉氣虛則肩背痛寒

少氣不足以息溺色變故耳

四屬腎虛經云冬脉者腎脉也冬脉不及則令人  
眇清脊痛小便變是也

脫肛門 附載腸病

生生子曰脫肛之症多由腸內有積而清氣不升  
如痢疾裏急後重而下脫也治當從滯下門先  
推去積滯然後升補積滯去而清氣自升不復  
脫下其或因下血及痢疾之後脫而不收者為  
虛升補之藥看氣血孰重脫之已久當以泄劑  
收之腸胃有風脫而下血者以風藥舉之脫久

亦有虛寒者當溫藥微洗內服大補之劑

丹溪曰有氣虛氣熱血虛血熱

氣熱者條芩六兩升麻一兩為末麩糊為丸服  
之 其証肛脫紅腫者是也

氣虛者參耆歸升麻或加白朮訶子有熱加  
條芩 其証多於勞倦房慾而發者是也

血熱者四物湯加炒黃柏 其証多於好酒及  
辛辣之物而發及便血也

血虛者用四物湯加升麻荆芥 其証下血過



多面色痿黃者是也

下痢脫肛

痢門參治

截腸病 其証大腸頭出痛苦乾又落々又出腸  
盡則死初出寸餘時治之以芝麻油一盞以簪  
坐之飲大麻子汁數升愈

脫肛之證前人以為肺氣虛寒蓋肺與大腸為表  
裏肺臟蘊熱則閉結虛寒則脫婦人有此疾者  
多由產育用力過多小兒有此疾皆因久痢大  
腸虛冷所為也有腸頭作痒者此係腸中有虫

黃桂峰云親見一人裏急後重肛脫紅腫百藥皆

試乃有虫在肛故也

濟世方 治男女脫肛用五倍子小便濃煎洗之

聖惠方 治脫肛不收蝸牛燒灰猪脂調敷之

砂仁湯 治大腸虛脫肛挾熱紅腫者

砂仁

黃連

木賊

等分

為末每服二錢米

下飲

文蛤散 大腸虛寒肛門脫出不收或用力太過

及小兒叫呼久痢後重者

五倍子為末水煎汁浸洗更入白礬蛇床子尤

佳後用赤石脂為末少許摻在巴蕉葉上頻用  
托入或有脫出尺許者亦用此湯溫浸頻換藥  
水以縮為度

倍榆散 治小兒脫肛

五倍子 地榆等分為末每五分或一錢米飲下調

治老人脫肛

防風蘆 蒼朮 黃柏 五倍子 煎湯薰洗

內服清涼大腸之藥而愈

治脫肛下血

韭菜一大握搗碎瓦礫煎熟再用生韭菜汁沖

在湯內將肛門坐在瓶口薰一二次神效

槐角丸 五種腸風下血痔漏脫肛並治

槐角三兩 地榆三兩 黃芩 當歸 防風 枳殼炒麩

各二兩 右酒糊丸梧子大每七十九空心米飲下

涼血清腸散

生地 當歸 芍藥各一錢二分 防風 升麻 荆

芥各一錢 黃芩炒 黃連 香附炒 川芎各八分 甘草

五分 水煎服



三因方香荆散 大人小兒肛門脫出並治

香附 荆芥穗各等分 一方加砂仁

右為末每服三匙水一大碗煎數沸去熱洗

秦艽湯 腸胃濕熱及有風而脫肛不止

秦艽去芦酒洗七錢水煎空心服後安卧一時渣再煎

補中益氣湯 治勞倦脫肛効

一方 五倍子為末每用三錢入白礬一塊水煎

洗或以五倍末用紙襯之托上

一方 木賊燒存性為末 肛上按入即收

二靈散 治久痢腸胃俱虛肛門脫下

龍骨煨五錢 木賊燒存性二錢半 為末搽上托之

治男女脫肛 五倍子荆芥小便濃煎洗之

本事方 腸風下血及脫肛不收

皂角 三莖搗碎水一碗揉令皂角消盡用絹

二層濾取清汁將肛浸在汁中自收並不待手

托如大腸收了即用湯盪其肛門上下令皂角

氣行則不再作盪三次全愈

集驗方 治脫肛歷年不愈

生鉄三斤水一斗煮取五升以汁浸洗

一方用刀漿水洗亦効

肘後方 治腸頭脫肛出轉久不可收入

生括萎汁浸之猪肉汁中洗隨以手按之令煖自收

濟世方治脫肛 荆芥 龍腦 薄荷 朴硝

右煎湯一日洗數次自入

本事方治腸風脫肛及有血

蛇床子炒為末貼肛上立收

絹皮散 治肛門或因洞泄或因用力脫出不收

蟬皮一枚燒存性 礞石煨五錢 桂心五錢 此寒而脫肛也

右為末米飲服方寸匕忌持重及房室

肘後方治女人陰脫前方加鰲頭一枚燒存性入研

黑聖散 治瀉多時脫肛疼痛

大蜘蛛一枚瓠葉重裹線札定合于內燒存性

研入黃丹少許同研凡有上件疾即先用白

礬葱椒湯洗拭乾後搽藥以手托上

千金方 治脫肛歷年不愈

鰲頭一枚燒令烟盡為末付上手按按之



丹溪方 治脫肛 葫荈燒烟薰之立入

海上方 諸般痔脫肛

死蛇一條如指大濕者掘地坑燒之以有孔板子蓋之坐其上以肛受烟薰之烟盡為止大効

濟世方 治肛出

皂角薰次用蜒蚰一條入蜜浸去蜒蚰將蜜調土硃付上即入

一女子脫肛用糯米一勺濃煎飲去米洗肛溫柔先以磚一片火燒通紅用醋沃濕以青布鋪磚

上坐肛於青布上如太熱加布令厚其肛煖自收入

又方 蓮房殼荆芥枳殼槐花黃栢防風獨活煎湯洗之 或以木賊灰或又蛤末付上立收

治肛門腫痛 木别子去殼取油四五枚研如泥入水盆中以滾湯泡之乘熱洗另用少許為末付上

肛門腫痒 杏仁搗膏敷上 亦治穀道痛蝕外臺秘要治下部虫齧 桃葉一斛蒸之令極熱

納小口器中以下部坐上受薰其虫盡死 脉經云慝蝕陰脫其脉虛小者生緊急者死

一人脫肛裏急後重百方莫能收一僧教以取猪  
肚一具刮下垢膩入花椒末拌勻塗肛上以青  
綿布袋兜之再以溫湯入埕內坐其上薰之少  
頃肛癰腸收袋上垂不計其數從  
此再不復發

### 前陰諸疾

前陰所過之脉有二一曰肝脉二曰督脉經云肝  
足厥陰之脉入毛中透陰器抵小腹是肝脉所  
過也又云督脉者起于小腹以下骨中央女子  
入繫廷孔循陰器男子循莖中至纂與女子等  
是督脉所過也

### 陰縮陰縱

陰縮謂前陰受寒縮入腹內也陰縱謂前陰受熱  
挺長不收也經曰足厥陰之筋傷于寒則陰縮  
入傷熱縱挺不收治在行水清陰氣是也

丹溪治鮑兄年二十五莖挺長腫而痿皮塌常潤  
磨股不能行兩脇氣上手足倦弱先以小柴胡  
加黃連大劑行其濕熱畧加黃柏降其逆上之  
氣其挺腫漸收漸減及半但莖中有堅塊未消



遂以青皮一味為君佐以散風之劑末服外以  
絲瓜汁調五倍子末敷而愈

平江王氏子年三十忽陰挺長腫而痛脉數而實  
用朴硝荆芥湯浸洗又用三乙承氣湯大下之  
內經曰陰縮而死者皆屬肝傷又云悲哀動中則  
傷魂魄傷則狂妄不精不精則不正當陰縮而  
攣筋兩脇骨不舉毛悴色夭死于秋又云厥陰  
終者喜溺舌卷卵上縮是也

王莖腫前陰腫是也其症不一有通身水氣癩脛  
俱腫者此屬水腫以治水之法治之其腎風振  
搔成瘡以致腫者以治瘡毒之法治之有妬精  
蝕瘡腫毒以乾瘡之藥治之此緣妬精蘊結毒  
氣未散而成腫痛也有服金石秘澁之藥精氣  
壅遏不能宣揚或試緊爐之方取一時之快熱  
毒內蘊俱能為腫有血氣凝滯癩間竅道閉塞  
致使莖腫或由忍溺致氣結不行而成腫凡此  
諸症並以灯心湯調五苓散服之以荆芥木通  
煎湯淋洗

此條出鈎玄



陰痿陰汗陰冷陰臭

陰痿皆耗散過度傷於肝筋所致經云足厥陰之經其病傷于內則不起是也

東垣陰痿陰汗陰臭論 一富者前陰間嘗聞臊臭又因連日飲酒腹中不和求予治之予應之曰夫前陰者足厥陰之脉絡陰器出其挺末臭者心之所主散入於五方為臭入肝為臊臭此其一也當於肝中瀉行間是治其本後於心經瀉少冲以治其標如惡針當用藥除之治法當

求其本連日飲酒夫酒者氣味俱能生濕熱是風濕熱合於下焦為邪故經云下焦如瀆又云在下引而竭之酒者是濕熱之水亦宜決前陰以去之是合下焦二法治之龍膽瀉肝湯是也

龍膽瀉肝湯

治陰部時復濕痒有臊臭

柴胡梢

澤瀉

各一錢

車前子

木通

各五分

當歸

尾

龍膽草

生地黃

各三分

水煎空心

飢時熟

服便以美膳壓之柴胡入肝為引用澤瀉車前子木通其淡滲之味利小便亦除臊臭是



名在下者引而竭之生地黃龍膽草之苦寒  
瀉酒濕熱更兼車前子之類以徹肝中邪氣  
肝主血用當歸以滋肝中血不足也

固真湯 治兩丸冷前陰痿弱陰汗如水小便後  
有餘瀝臊氣尻臀并前陰冷惡寒而喜熱膝亦  
冷 升麻 柴胡 羌活 甘草 澤瀉 各  
錢半 黃柏 知母 炒 龍膽草 炒 各  
錢 以美膳壓之 水煎空心服

溫腎湯 面色痿黃身黃脚軟陰汗陰莖有天色

麻黃 分六 防風根 蒼朮 各一錢半 白朮 猪苓 白

茯苓 升麻 黃柏 酒炒 各一錢 澤瀉 二錢 柴胡 梢 分六

水煎食前服之候一吋辰許方食

補肝湯 前陰如冰冷并冷汗兩脚痿弱無力

黃芪 分七 人參 葛根 各三錢 甘草 炙 蒼朮 分五

升麻 猪苓 各四錢 知母 柴胡 羌活 當歸

身 陳皮 黃柏 炒 防風 白茯苓 澤瀉

神麴 連翹 各二錢 水煎食前熱服忌酒麴

清震湯 治溺黃臊臭淋瀝兩丸如冰陰汗浸兩



股陰頭亦冷正值十二月天寒凜冽寒之極矣

澤瀉 升麻 蒼朮 黃芩各五分 柴胡 當歸

身 甘草炙各二分 羌活 黃柏酒炒各一錢 防風 麻

黃根 藁本 猪苓各三分 紅花一分 水煎服忌酒

柴胡勝濕湯 兩外腎冷兩髀樞陰汗前陰痿弱

陰囊濕痺臊氣 柴胡 甘草生各三錢 升麻 羌

活 澤瀉各一錢半 當歸 麻黃 龍膽草 漢防

已各一錢 黃柏酒炒二錢 五味子二半粒 紅花少許 白茯苓

錢一 水煎熱服忌酒麪房事

仲景八味丸 治陰痿不振今依前方夏減桂附

一半春秋減三之一 病去全減桂附

椒粉散 治前陰兩丸濕痒秋冬尤甚

麻黃一錢 狗脊 蛇床子各五分 斑蝥二枚 當歸梢

猪苓 小檗各三分 肉桂二分 輕粉 紅花各少許

為細末摻上避風寒濕冷處坐卧

又方 治腎囊濕痒 先以吳茱萸湯洗過後用

吳茱萸半兩寒水石三錢黃柏二錢半樟腦蛇

床子各五錢輕粉一錢白礬三錢硫黃二錢檳



柳三錢白芷三錢為末摻之

千金方云有人陰冷漸冷氣入陰囊腫滿恐死

日夜痛悶不得眠取生楸擇之洗淨以布帛裹

着丸囊令厚半寸須臾熱氣大通日再易之取

本事云曾有人陰冷漸次冷氣入陰囊腫滿晝夜

疼悶不得眠煮大薊汁服立瘥

陰腫陰痛陰吹

婦人陰腫腎痛枳實半斤切碎炒熟布包熨之冷即

交接勞復陰卵痛是勞復

仲景云胃氣下泄陰吹而正喧此穀氣之實也膏

髮煎導之其方猪膏半斤亂髮如鷄子大三枚

以髮入膏中煎至髮盡分再服病自從小便中

出能治諸疸症殊效

雄黃散 陰腫大如斗核痛人所不能治者

雄黃一兩 礬二兩 甘草生半兩 以水五升煎洗

荊芥散 治腎腫 荊芥穗一兩 朴硝二兩 蘿蔔

葱同煎湯洗

男子陰腫大如升罌痛甚搗馬鞭草塗之

和劑三白散 治小兒膀胱蘊熱風濕相乘陰囊

腫脹大小便不利 白牽牛一兩 桑白皮 木通

白朮 橘紅各五錢 為末姜湯調二錢

癩風 俗名腎臟風

癩風之症起於下部虛熱或行路體倦及夏月久

坐冷地為風濕所襲乃發為疾其症囊濕皮厚

生水泡瘡疥作痒古方用蛇床子一味煎湯淋

洗痒甚者以姜汁入香油數滴撓勻塗上自愈

沐浴長春散 治下元陰濕久冷陰囊夜痒振之

則喜手住則癢成瘡流水為患甚苦及治婦人

下部陰濕子胞久冷並効

牡蠣 蛇床子 破故紙 紫梢花 官桂

薄荷葉 各等分每用一兩半入葱白數莖水

煎一小鍋先薰後洗再用津調散搽之全安

津調散 治妬精瘡膿汁淋漓臭爛

黃連 欵冬花等分 射香少許

為末先洗過或以地骨皮蛇床子煎湯洗帛

拭乾津調敷忌生冷生湯洗 一方無射



又方 治外腎及兩腿風濕瘡

金竭

檳榔

蛇床子

硫黃

各一錢

為末麻油調入手心擦熱吸三口用手抱囊  
一頃次擦藥兩腿上

### 疝氣門

內經四氣刺逆從篇曰厥陰脉滑則病狐風疝少  
陰脉滑則病肺風疝太陰脉滑則病脾風疝陽  
明脉滑則病心風疝太陽脉滑則病腎風疝少  
陽脉滑則病肝風疝又骨空篇曰任脉為病男

子內結七疝女子帶下瘕聚大奇論篇曰腎脉  
大急沉為腎疝肝脉大急沉為肝疝心脉搏滑  
急為心疝肺脉沉搏為肺疝三陽急為瘕三陰  
急為脾疝三陰脾脉也

脉經曰寸口脉弦而緊絃緊相搏則為寒疝

生生子曰內經以六經脉滑為風疝又以大急沉  
為五藏疝按此六經五臟皆有疝也而以風字  
加之於六經之疝者何也意者無乃以風字作  
氣字者看耶或以巽為風則木之氣肝之所主



也又成疝之地乃肝部也夫滑脉主痰飲食積是言各經之痰飲食積流傳于肝之部地乃成疝也因肝主風故以風字加之也又夫急者緊急之謂也緊主病為寒沉亦為寒為氣大亦為氣是亦言五臟寒氣流於下部發為疝也蓋寒喜傷下腎肝俱在下而肝之絡環繞陰器故以疝屬肝也據任脉起于胞門循腹裏與衝脉厥陰會故男為七疝女為瘕聚也其病極為難治而諸書所言亦不一惟張戴人一主于肝蒐輯

甚博且曰非靈素銅人之論法皆不取要之欲窮其原耳故其歷舉經義俞穴及七疝瘕圖殊為詳悉但用治諸方多是渠生平所長之三法人或病其峻抑不知有是病用是藥醫而不善用此是無術也則未免有過時失機之悔願其疝積滯根固淵藪偏僻非峻劑曷能以達第不可孟浪亂投法所當用又何畏縮在設施者消息經權務求其當可也劉守真言此症亦有熱者丹溪亦主于肝且又言有濕熱死血及痰積



因寒鬱而發間亦有虛者此亦深鑒前人純擬于寒而一以剝燥為劑也今以諸賢大意述列於後以便參治

劉守真曰癰疽小腹控卵腫急絞痛也寒主拘縮故也寒極而土化制之故腫滿也經言丈夫癰疽謂陰器連小腹急痛也故言婦人少腹腫皆厥陰肝之脉也經注曰寒氣聚而為疽也又按經言五藏皆主疽但脉急也注言脉急者寒之象也然寒則脉當短小而遲今言急者非急數

而洪也由緊脉主痛急為痛甚病寒雖急亦短小也所以有痛而脉緊急者脉為心之所養也凡六氣為痛則心神不寧而緊急不得舒緩故脉亦從之而見也欲知何氣為其病者適其緊急相兼之脉而可知也如緊急洪數則為熱痛之類也又經言脾傳之腎病名疽痂小腹寬熱而痛出白蠱注言小腹痛洩出白液也一作客熱內結銷鑠肌肉如蠱之食故名白蠱也然經復言熱為疽痂則亦不可止言為寒當以脉症



弘之

丹溪曰疝主肝經與腎經絕無相干疝痛之甚者  
畢九連小腹急痛也或有形或無形或有聲或  
無聲自素問以下皆以為寒蓋經絡得寒收引  
不行所以作痛世有得寒而無疝者又必有說  
以通之可也予屢踢冰徒涉不曾病此以予素  
無熱也因而思此病始于濕熱在經鬱遏至久  
又感外寒濕熱收鬱而作痛若只作寒論恐為  
未備或曰此症多容厥陰一經濕熱之積何由

而致予曰大勞則火起于筋醉飽則火起于胃  
房勞則火起于腎大怒則火起于肝火鬱之久  
濕氣便盛濁液凝聚并入血隧流于厥陰肝屬  
木性速急火性暴為寒束宜其痛甚而暴也愚  
見古方以烏頭梔子等分作湯用之其効亦速  
後因此方隨形症加減無有不應又須分濕熱  
多寡而治之但腫多為濕癰是也却有水氣而  
腫又有挾虛而發者當以參朮為君而佐以踈  
導診其脉沉緊而豁大者是也若不以補劑而



行決裂之法禍不旋踵

許學士曰大抵此疾因虛得之不可以虛而驟補經云邪之所湊其氣必虛留而不去其病必實故必先滌所畜之熱然後補是以諸方多借巴豆氣者蓋謂此也

張戴人曰疝本肝經宜通勿塞疝有七前人論者甚多非靈樞素問銅人之論余皆不取非余好異也但要窮其原耳七疝者何寒水筋血氣狐癩是也俗工不識曰為膀胱又為腎冷又或為

小腸氣小兒曰偏氣立名既謬併喪其實何哉蓋醫者既斷為膀胱腎冷小腸氣又曰虛寒所致其藥之用也不鹿茸巴戟則杜仲菟蓉不附子烏頭則乾姜官桂不練實苗香則金鈴補骨脂朝吞暮餌曾無殊効三二十年牢不可去間因微病稍似開通執此微芒浸成大錯標既不除本必歸甚處處相傳曾無覺者豈知諸疝皆歸肝經其柰庸流歸之小腸脬囊夫膀胱水府專司滲泄小腸水道專主通流腎為少陰總統



二水人之小溲自胃入小腸滲入膀胱膀胱者  
脬囊也氣化則水出莖端此常道也及其為疝  
乃是厥陰肝經蓋環陰器而上入小腹者足厥  
陰肝經也夫腎肝皆屬于下衝任督相附然靈  
樞經言足厥陰肝經病則有遺溺癰閉狐疝主  
腎與小腸膀胱三經則不言疝是受疝之處乃  
肝之部分也且內經男子宗筋為束骨之會也  
而肝主筋畢者囊中之丸雖主外腎非厥陰環  
而引之與玉莖無由伸縮在女子則為纂戶其

內外為二其一曰廷孔其二曰窈漏此足厥陰  
與衝任督之所會也靈樞言足厥陰之經筋聚  
于陰器其病傷于寒則陰縮入傷於熱則縱挺  
不收治在行卧清陰氣故陽明與太陰厥陰之  
筋皆會於陰器惟厥陰主筋故為疝者必本之  
厥陰靈樞又言足厥陰之別名曰蠡溝去內踝  
五寸別走少陽循脛上臑結于莖其病氣逆臑  
腫卒疝實則挺長虛則暴痒取之所別矣豈非  
厥陰為受病之處耶靈樞又言邪在小腸連臑



係屬於腎貫肝絡肺系心氣盛厥逆上衝腸胃  
重肝散於育結於臍故取之育原以散之刺太  
陰以平之取厥陰以下之取巨虛下臚以去之  
按其所過之經以調之此其初雖言邪在小腸  
至其治法必曰取厥陰以下之乃知諸疝關於  
厥陰可以無疑以脉考之素問云厥陰滑為狐  
風疝少陰滑為肺風疝太陰滑為脾風疝云  
凡此六疝雖見于他脉中皆言風疝者足厥陰  
肝經之氣也靈樞亦曰心脉微滑為心疝肝脉

滑甚為癘癘腎脉滑甚為癘癘凡此三臟脉之  
疝亦以滑為疝也素問又云脉大急皆為疝心  
脉滑傳為心疝肺脉沉傳為肺疝三陰急為疝  
三陽急為癘王太僕云太陽受寒血凝為癘太  
陰受寒氣聚為疝此言太陰受寒傳之肝經也  
可以溫藥逐之不可以溫藥補之若補之者是  
欲病去而強挽留之也歷考素問三陽為病發  
寒熱其傳為癘疝此亦言膀胱非受病之處必  
傳于厥陰部分然後為疝也又言病在少腹



痛不得大小便病名曰疝得之寒言脉急者曰疝瘦少腹痛凡言少腹者豈非厥陰之部分耶又言脾氣傳胃名曰疝瘦此謂非肝木不能為風氣名曰厥疝蓋脾土虛而不能制水又為肝木所凌也又言督脉為衝疝蓋厥陰與衝任督俱會于前陰也豈不明哉至于運氣中又言歲太陽在泉寒淫所勝民病少腹控臑蓋寒客于小腸膀胱則肝木縮而不得伸行母傳之子也陽明司天燥淫所勝丈夫癩疝婦人小腹痛此

言肝氣不得上行為金所抑鬼賊故也又言太陰在泉土勝則寒氣逆滿食飲不下甚則為疝此亦言寒客太陰濕土不能勝水傳之肝經也又嘗遍閱銅人俞穴亦相表裏如背上十三椎俞肝經言寒疝腹部中行惟陰交一穴言寒疝任脉之所發也關元一穴言暴疝小腸之募足三陰任脉之會也曲骨一穴言疝任脉足厥陰之會也其腹部第二行育俞二穴言寒疝衝脉足少陰之會也四病上穴言疝瘦衝任



脉足少陰腎之會也其腹部第三行大巨二穴  
言癩疝足陽明脉氣之所發也氣衝二穴言癩  
疝莖中痛兩丸寒痛亦足陽明脉氣之所發也  
其腹部四行府合二穴言疝痛足六陰厥陰  
維之交會也亦太陰部三陰陽明支別也衝門  
二穴言陰疝足太陰厥陰之會也其在側脇者  
五樞二穴言寒疝陰邪上入少腹帶脉下三寸  
也其在足六經者足厥陰穴十名言疝者七謂  
大敦行間大衝中封蠡溝中都曲泉足少陽穴

十四名言疝者一謂丘墟穴也足太陰穴十一  
名言疝者一謂陰陵泉也足陽明穴十五名言  
疝者一謂陰市穴也足少陰穴十五名言疝者  
五謂然谷大谿照海交信築賓也足太陽穴十  
八名言疝者二謂金門合陽也由是言之惟厥  
陰言疝獨多為疝之主也其各經穴雖亦治疝  
終非受疝之地但與足厥陰相連耳或在泉寒  
勝木氣攣縮禁于此經或司天燥勝木氣抑鬱  
于此經或忿怒悲哀憂抑頓挫結于此經或藥



淋外固閉尾縮精壅于此經其病差別如此不知世間之藥多熱補從誰而受其方也信其方則素問靈樞銅人皆非也信素問靈樞銅人則俗方亦皆非也不知後之君子以孰為是嗚呼余立於醫四十餘歲使世俗之方人：可療余莫知敢廢也諳練日久因經識病然後不惑且夫遺溺閉癢陰痿胞痺精滑白淫皆男子之疝也不可妄歸之腎冷血涸不日月罷腰膝上熱足躩噬乾癢閉少腹有塊或定或移前陰突出

後陰痔核皆女子之疝也但女子不謂之疝而謂之瘕若年少而得之不計男子婦人皆無子故隱蔽委曲之事了不干脬腎小腸之事乃足厥陰肝經之職也柰俗方只言脬腎小腸殊不知言肝木一句惑人甚矣且肝經乙木也木屬東方為心火之母也凡疝者非肝木邪則肝木自甚也不可便言虛而補之雜經所謂東方實西方虛瀉南方補北方此言瀉火木自平金自清水自旺矣昔審言為蔡之叅軍也因坐濕地疝



痛不可堪諸藥莫救余急以導水九禹功散瀉三十餘行腫立消痛立減又頃聞一男子病卒疝暴痛不任倒於街衢人莫能動呼余救之余引經証之邪氣客於足厥陰之絡令人卒疝故病陰九痛也余急瀉大敦二穴大痛立已夫大敦穴者乃是厥陰之二穴也珍寇鎮一夫病瘡瘡發渴痛飲蜜漿劇傷水水醫者莫知瀉去其濕反雜進姜附濕為燥熱所壅三焦閉溢水道不行陰道不興陰囊腫墜大於升斗余先以導

水百餘丸少頃以猪腎散投之是夜瀉青赤水一斗遂失痛之所在近穎尾一夫病卒疝赤腫大痛數日不止諸藥如水投后余以導水一伯五十九令三次咽之繼以通經散三錢空腹淡酒調下五更下臟腑壅積之物數行痛腫皆去不三日平復如舊內經曰木鬱則達之達謂吐也今條達肝之積本當吐者然觀其病之上下以順為貴仲景所謂上宜吐下宜瀉者此也敢列七疝圖於左以示後之君子庶幾有所憑藉



者焉

寒疝其狀囊冷結硬如石陰莖不舉或控舉丸而痛得於坐卧濕地或寒月涉水或置雨雪或卧坐磚石或風冷處使內過勞宜以溫劑下之久而無子

水疝其狀腎囊腫痛陰汗時出或囊腫而狀如水晶或囊痒而燥出黃水或少腹中按之作水聲得于飲水酒醉使內過勞汗出而遇風寒濕之氣聚於囊中故水多令人為卒疝宜以逐水之劑下之有漏針去水者人多不得其法

筋疝其狀陰莖腫脹或潰或膿或痛而裏急筋縮或莖中痛、極則痒或挺縱不收或白如精隨洩而下得于房失勞傷及邪術所使宜以降心之劑下之

血疝其狀如黃瓜在少腹兩傍橫骨兩端約中俗云便瘻得于重感春夏大燠勞動使內氣血流溢滲入脬囊留而不去結成瘻腫膿少血多宜以和血之劑下之



氣疝其狀上連腎區下及陰囊或因號哭忿怒則氣鬱之而脹怒止號罷則氣散者是也有一治法以針出氣而愈者然針有得失宜以散氣之藥下之或小兒亦有此疾俗曰偏氣得于父年已老或少年多病陰痿精怯強力入房因而有子胎中病也此疝不治惟築賓一穴言之

狐疝其狀如瓦卧則入小腹行立則出小腹入囊中狐則晝出穴而溺夜則入穴而不溺此疝出入上下往來正與狐相類也亦與氣疝大同小

異今人帶鈞鈴是也宜以逐氣流經之藥下之癰疝其狀陰囊腫縮如升如斗不痒不痛者是也得之地氣卑濕所生故江淮之間湫塘之處多感此疾宜以去濕之藥下之 女子陰戶突出雖亦此類乃熱則不禁固也不可便謂虛寒而泄之燥之補之本名曰瘕宜以苦下之以苦堅之王冰云陽氣下墜陰氣上爭上爭則寒多下墜則筋緩故舉垂縱緩因作癰疝也巳上七疝下去其病之後可調則調可補則補各量病勢



勿拘俗法經所謂陰盛而腹脹不通者癰瘰疝  
也不可不下

統旨曰或問疝氣古方有以為小腸氣者有以為  
膀胱氣者惟戴人丹溪專主肝經其說不同何  
以辨之予曰小腸氣小腸之病膀胱氣膀胱之  
病疝氣肝經之病三者自是不一昔人以小腸  
膀胱氣為疝者誤也殊不知足厥陰之經環陰  
器抵小腹人之病此者發則臑丸脹痛而連及  
小腹則疝氣之係于肝經也可知矣且小腸氣

俗謂之橫絃豎絃繞臍走注少腹攻刺而膀胱  
氣則在毛際之上小腹之分作痛與疝氣之有  
形如瓜有声如蛙或上於腹或下於囊者不同  
也但小腸膀胱因經絡並於厥陰之經所以受  
病連及于肝則亦下控引臑丸為痛然只是二  
經之病不可以為疝也學者惟考張朱二公之  
說則庶乎其不惑矣

生生子曰按統旨此論只可以言狐疝不足以盡  
經義然素問六經皆有疝故後之言疝者或名



小腸氣或名膀胱氣或名腎冷氣張戴人朱丹  
溪乃獨屬之肝經要之各有所本而肝腎居多  
爾按靈樞經云邪在小腸連臍系屬腎貫肝絡  
肺系心氣盛厥氣上衝也大凡邪氣襲於人之  
經也隨各經而名之襲於腎為腎氣襲于膀胱  
為膀胱氣襲于小腸為小腸氣腎與膀胱相為  
表裏其氣通于外腎系於臍九此三經與厥陰  
互相聯絡而又俱在下部與衝任督諸脉會也  
戴人亦曰腎之穴十而言疝者五丹溪乃言與

腎絕無相干絕之一字未細考爾實相須也凡  
久立過內則傷腎勞力遠行則傷筋腎傷則膀  
胱虛筋傷則肝氣弱一有所傷風寒濕邪乘虛  
而襲入於腎則脬囊腫小腹脹而足冷舌本強  
此腎經受病之候入於肝則先從陰器冷痛上  
抵脘脇唇青足厥甚則舌卷囊縮此肝經受病  
之候也膀胱乃胞之室素問骨空論篇曰任脉  
起於中極之下以上毛際循腹裏上關元自胞  
上過帶脉貫臍而上故任脉為病男子內結七



疝或指膀胱氣者以此也又衝脉為病逆氣裏急督脉起少腹以下骨中央女子入系廷孔其孔溺孔之端也其絡繞陰器合纂間繞纂後別繞臀至少陰其男子循莖下至纂與女子等其少腹直上者貫臍中央上貫心此生病從少腹上衝心而痛不得前後為衝疝注曰衝任督皆奇經一源而三岐都與腎肝會也由是考之各有所本匪謬也惟肝腎居多腎不得無相干肝不得獨主疝從可知矣揣戴人之意若獨屬之

肝則東方實為有餘有餘者瀉之庶可以行生平所長之技也師者誠能體認不謬則通塞一適其宜丹溪戴人不多讓矣

挾虛者當用參朮為君佐以疎導之藥其脉豁大按之無力者虛也 又按之不定者亦屬虛必用桂枝山梔炒過烏頭細切炒過為末以姜汁糊為丸每服三四十丸姜湯下大能劫痛 食積與死血成痛者梔子桃仁山查枳實吳茱萸並炒以生姜汁順流水煎湯調服



一方加茴香附子

戴元禮曰木腎者心火下降則腎水不患乎不溫  
真陽下行則腎水不患乎不和安有所謂木強  
者哉夫惟嗜慾內戕腎家虛憊故陰陽不相交  
水火不相濟而沉寒痼冷凝滯脹大作痛頑痺  
結硬不可純用燥熱當溫散溫利以逐其邪  
氣內消榮衛流轉益如寒谷春回蓋有不疾而  
速不行而至之妙矣

橘核散 單止痛此蓋溫熱因寒鬱而發用梔子

仁以除濕熱用烏頭以散寒鬱况二藥皆下行  
之藥而烏頭又為梔子所引其行尤速不使胃  
中停留也 橘核 桃仁 梔子 川烏炒

吳茱萸 水煎服

又方 劫痛 烏頭細切炒 梔子仁炒等分 為末或加或

減白湯丸服亦可

積疝方 山查炒一兩 茴香炒 柴胡炒各三錢 牡丹皮一錢

酒糊丸如梧子大鹽湯下六十九

又方 治疝痛